

Na osnovu člana 16. stav 4., Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 115. sjednici, održanoj dana 03.07.2013. godine, d o n o s i

## ZAKLJUČAK

### I.

Ne prihvata se podnesena Inicijativa Komisije za izbor i imenovanja Skupštine Zeničko-dobojskog kantona za izmjenama i dopunama Zakona o javnim priznanjima Zeničko-dobojskog kantona, ("Službene novine Zeničko-dobojskog kantona", broj: 6/13), u skladu sa prethodnim Mišljenjem Ministarstva za obrazovanje, nauku, kulturu i sport, broj: 10-34-12500-1-2/13., od 26.06.2013.godine, koje se prilaže uz ovaj zaključak i smatra njegovim sastavnim dijelom.

### II.

Izjašnjenje Vlade o Inicijativi sa mišljenjem iz tačke I ovog zaključka upućuje se Skupštini Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_/13.

Datum, 03.07.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za obrazovanje, nauku, kulturu i sport,

1x Ured premijera,

1x Predsjedavajućem Skupštine Zeničko-dobojskog kantona,

1x a/a.



**Broj :** 10-34-12500-1-3/13.

**Zenica,** 26.06.2013. godine

**Vlada Zeničko-dobojskog kantona**

**Stručna služba Vlade**

**N/r sekretara**

**Predmet :** Prijedlog Zaključka uz obrazloženo Mišljenje-Izjašnjenje na Inicijativu Komisije za izbor i imenovanja Skupštine ZDK-a, dostavlja

U vezi sa aktom Stručne službe Skupštine, broj: 01-34--12500-1-1/13., od 07.06.2013. godine, u kojem je traženo Mišljenje-Izjašnjenje resornog ministarstva o podnesenoj Inicijativi Komisije za izbor i imenovanja Skupštine Zeničko-dobojskog kantona, za izmjene i dopune Zakona o javnim priznanjima Zeničko-dobojskog kantona, ("Službene novine Zeničko-dobojskog kantona", broj: 6/13), u prilogu Vam dostavljamo obraloženi prijedlog Zaključka, kao i Mišljenje-izjašnjenje resornog ministarstva, na Vaše dalje postupanje.

S poštovanjem,

*Prilog: /Prijedlog Zaključka i Mišljenja-izjašnjenja resornog ministarstva/;*

**DOSTAVLJENO:**

1 x Naslovu

2 x a/a-01/02.

**MINISTAR**

*Mirko Trifunović*

*Na pokrenutu Inicijativu Komisije za izbor i imenovanja Skupštine Zeničko-dobojskog kantona, za izmjene i dopune Zakona o javnim priznanjima Zeničko-dobojskog kantona, ("Službene novine Zeničko-dobojskog kantona", broj: 6/13), resorno ministarstvo daje slijedeće:*

### **MIŠLJENJE**

Uvidom o odredbe donesenog **Zakona o javnim priznanjima Zeničko-dobojskog kantona, ("Službene novine Zeničko-dobojskog kantona", broj: 6/13)**, prema stajalištu ovog organa kantonalne uprave, evidentna je volja i jasna namjera zakonodavca da se navedena javna priznanja u ime Zeničko-dobojskog kantona, između ostalog, dodjeljuju i za doprinos razvoju Kantona u oblasti privrede, nauke, medicine, sporta, društvenih djelatnosti i umjetnosti. Dakle, za sve relevantne aspekte društvenog života koji, po samoj suštini, uveliko prevazilaze naše resorne nadležnosti. S obzirom na činjenicu da je riječ o sasvim novom zakonu, možemo kao nespornom utvrditi volju i namjeru zakonodavca, dakle Skupštine, da kao ovlašteni predstavnik, odnosno zastupnik Zeničko-dobojskog kantona kao institucije i svih njenih organa vlasti odnosno kantonalne uprave, na jedinstven način, i u svoje ime, uredi procedure i potrebna postupanja za dodjelom javnih priznanja.

Imajući u vidu naprijed navedeno, predloženom inicijativom se bitno reducira funkcionalna i simbolička uloga Kantona, i u jednom dijelu se svodi na nadležnost jednog resornog ministarstva koje niti ima, niti može imati uvida u sve aspekte društvenog života iz kojih se mogu predlagati laureati za javna priznanja Zeničko-dobojskog kantona. S tim u vezi ističemo da je suština predloženih izmjena usmjerena ka zamjeni Zakonom, već utvrđenih obaveza Stručne službe Skupštine Kantona na naše ministarstvo, a koje nije nadležno za mnogobrojne aspekte društvenog života iz kojih se mogu kandidirati osobe za nosioce javnih priznanja, (*primjerice: socijalna i karitativna djelatnost, privredna i turistička djelatnost, zdravstvena i medicinska dostignuća, ekologija, poljoprivreda, zaštita i spasavanje ljudi i društvenih dobara, afirmacija i zaštita ljudskih prava, odbrana, borba protiv kriminaliteta i slično*). Također smo stajališta, da iz istih razloga, nije prihvatljiv ni dio podnesene inicijative koji se odnosio na vođenje evidencija o dodijeljenim javnim priznanjima Zeničko-dobojskog kantona od strane resornog ministarstva, jer će dobitnici javnih priznanja biti delegirani-predlagani-izabrani iz svih aspekata društvenog života, (a ne samo iz nadležnosti našeg ministarstva), te kao takvi biti i javno objavljeni u "Službenim novinama Zeničko-dobojskog kantona". S obzirom na činjenicu da su nadležnosti Ministarstva za obrazovanje, nauku, kulturu i sport **utvrđene članom 14., stav 1., Zakona o kantonalnim ministarstvima i drugim tijelima kantonalne uprave-Prečišćeni tekst, ("Službene novine Zeničko-dobojskog kantona", broj: 13/08, 3/10 i 6/12)**, a prema kojem nigdje nisu predviđene protokolarne obaveze, odnosno dodatni poslovi tehničkog servisiranja potreba rada skupštinskih komisija ili tijela koji su, kao takvi, u izvornoj nadležnosti Stručne službe Skupštine Zeničko-dobojskog kantona, stajališta smo da se predloženim izmjenama i dopunama Zakona o javnim priznanjima Zeničko-dobojskog kantona, ne mogu vršiti kvalitativne promjene u takvom obimu prema kojem bi se dopunjavale ili mijenjale, već utvrđene resorne nadležnosti Ministarstva.

Stoga smo mišljenja da se predložena inicijativa, kao i njeno obrazloženje, **ne može prihvatiti** te da ne postoje razlozi za izmjenama i dopunama navedenog Zakona na predloženi način.

S poštovanjem,

**Broj :** 10-34-12500-1-2/13.  
**Zenica,** 26.06.2013. godine

**MINISTAR**

*Mirko Trifunović*